

## **TESALONIKA DILAG NAI 2 PAULUS YOM**

### ***KAYAK AMEGPA UNUQITAKNU NAI***

<sup>1</sup> Paulus, Silas, Timotius ele ig nai imu Tesonika tamaniak ahilagnu ii<sub>k</sub>u yaat<sub>em</sub>. Ag Kayak, ig Mamenig, amu ihinig Nadi Jesus Kristus ele dilah danab ah daa<sub>teb</sub>. <sup>2</sup> Kayak, ig Mamenig, amu Nadi Jesus Kristus ele, ahilah ehanit<sub>ak</sub> okai a hamu megtep amu ahilah madod ele ahilagpa daaglahnu oonig daate.

<sup>3</sup> O laink<sub>ad</sub>, ig haen oh Kayak amegpa, “Ena heme,” aot akunignab. Adinu? Ahilag oopa genab doyak amu okainab mete amu ag oo mauhak doona, ag aka aka nug ehanit<sub>ak</sub> udat ele tudidna huanak heteb. <sup>4</sup> Amunu ig ahilag keked ag ahilagpa kobil nau ku<sub>dum</sub> heegeg, ag amunu ug digidiig dooteb amge ag gaga<sub>tag</sub> daanna, ag ahilag oopa genab doyak ele ii padateb doota amu ig amunu Kayaknu kristen tamaniak ohpa ag binalag metem.

<sup>5</sup> Kayak Nug ag ehana<sub>te</sub>, ag gaga<sub>tag</sub> daan, ug maon oiteb amunu ig amupa Kayak Nug danab ah tutuk<sub>u</sub> epediadte anidtem. Nug anam het<sub>e</sub> amunu Nug ag nuhig do madod oopa daaglagnu amu Nug amunu elele doyadku. Ag Nug ele nuhig do madod oopa daaglagnu heteb amunu ag aa<sub>k</sub>u guit<sub>ak</sub> aoteb. <sup>6</sup> Kayak Nug kobil tutukuib het<sub>e</sub> amu Nug inam heku. Aun ag ug madateb amu Kayak Nug amunu nob mata, <sup>7</sup> Nug ag ug dooteb ele amu, haen ena mata, Nug ig ele haen ena megaku. Jesus edua, ab

adu amu engel gagatag nuhikud ele ag hab atannu miag atiak nekulag, haen amupa Kayak Nug kobil amu heku. <sup>8</sup> Nug danab ag Kayak ii dooteb amu ag Nadi Jesusnu nai ele dim ii lamidteb amu, Nug ag nob nau tutuku madaku. <sup>9-10</sup> Nug Kayaknu danab oh ag Nug onig humaglagnu, danab ag oolagpa genab dooteb ele amu, ag nuhignu oolag gamag ahakunu udiku. Amu Nug ded amupaib Nug danab ag Kayak ii dooteb, ag Nadi Jesusnu nai ele dim ii lamidteb amu Nug ag nob nau, padal mak han-hannu, Kayak topanu amu nuhig gagatagpanu ele udite amu madaku. Amge ag Tesalonika danab ag am Kayaknu danab, ag am danab ag oolagpa genab dooteb ele amu, ag danab amu ele oolagpa daaglag.

<sup>11</sup> Ig amunu haen oh dab metata, Kayak amegpa Nug ag ehanadkunu unuqidtem. Ig Kayak Nug heeb, nuhig ewak baag ag anuka doopig amu, ag kobil Nug ewak amupa ag hekulagnu ahilagpa eum ele amu, ag elelenab hekulagnu ele unuqidtem. Laa ele Kayak Nug ag gagatag mateb, ag kobil ena oh hekulagnu heteb ele amu henana, ag udat oh Kristusnu oolagpa genab doon heteb, amu ele genab hekulagnu ig unuqidtem. <sup>12</sup> Ib amupa amu ag Jesus Kristus, ihinig Nadi, Nug onig okainab humaglag amu ag Kayak, ig Mamenig, amu Nadi Jesus Kristus ele, ahilah ehanitak okai hamu megtep amupa ag ele onilag aoglag.

## 2

*DO TAPE NAK DANABNU NAI*

<sup>1</sup> Aria Jesus Kristus, ihinig Nađi, Nug eđua udikunu amu, ig oh Nug noobpa qag meta, Nug ele daagnignu, o lainkad, ag keeke amunu dab mekulagnu iiku atem. <sup>2</sup> Ag, “Nađi udikunu ded aakú malom,” nai amu doopignu amu laa nug nai mehuqa, nai amu matie doopigta, o iita danab laa nug nuhig dab makpaib anam matie doopigta, o iita laa nug ig nai amunu ahilagpa uđug yaat meut ukomnu matie doopigta amge nai amunu amu ag oolagpa genab aib doopig, dab mak ele ootot aib dayom. <sup>3</sup> Ag hepeg, laipu laa nug ib laalapa aib bupualatom. Ded amu tatam iinab udima. Tatam Kayak di metak kobil okai beebe amu do tape nak danab nau, danab amu nug padal meku ele amu, nug ele miag atiku. <sup>4</sup> Danab amu nug danab laa oh ag keeke oh dilagnu, “Imuam Kayak,” ateb, keeke amu noolagpa ag gatelag qaun oteb ele amu, nug amu oh tapeb neeb, nug onigib humeb, atan teku. Nugib Kayak laug, opia awak ele, apa nug nuča agupa daakunu ta dayaya, nuhignu, “Da iikuib am Kayak,” awa akú.

<sup>5</sup> Da ag ele daamut haenpa da nai imu ag amelagpa matimi amu daulagpa daatete? <sup>6</sup> Ag keeke laa gemu danab amu nug nuhig haen iitapa nemanu, nuhig ib oo neum daate amu ag dooteb. Kayak Nug ded nuhig tituanompa amu danab amu nug ded amupa miag atiku. <sup>7</sup> Do ii dim lamitak kobil amu gemu uđia lokumak haaha daate amge do ii dim lamitak kobil okai memanu, laa nug ib oo nete ele amu, nug anam heebet uket, laa nug heeb, ib oo nak amu iita meebe amu do tape nak kobil am okai meku. <sup>8</sup> Haen amupa do ii dim lamitak

danab nug miag atieb, dimpa Nadi Jesus, Nug geha Nug o<sub>de</sub>pa oudi iwaleb, qeeb mauh<sub>ku</sub>. Yo, Nadi Nug nuhig amahlak nadi ele miag atia, amahlak amupaib do tape nak danab amu heeb nauh<sub>ku</sub>. <sup>9</sup> Amge ii nauhak haenpa do ii dim lamitak danab amu nug Satannu gagat<sub>ag</sub> ele udia, ham bpuuak eponak keeke, danab hekunu elele iita diigdiig haaha, <sup>10</sup> nug danab ah, ag padal mekulagnu oiteb ele amu, ib diigdiigpa ag ham bpuualad<sub>ku</sub>. Danab amu ag nai genab doopig amge ag uupig. Ag ii uulob amu Kayak Nug edua diilo amge iita amunu ag padal mekulag. <sup>11-12</sup> Danab amu ag nai genab dooglagnu uupig amunu Kayak Nug ag ham bpuuak nai oolagpa genab dooglagnu, Nug danab amu, ag nai genab oolagpa genab ii doona, kobil tutuk<sub>u</sub> iita amunuib oolag hete ele amu, Nug ag oh epedia<sub>ta</sub>, gedad<sub>kun</sub> amu Nug heeb, ham bpuuak okai ahilagpa bek<sub>u</sub>.

### *GAGATAG DAYAKNU NAI*

<sup>13</sup> Amge ig lainkad, Kayak Nug ahilagnu oo huana mauht<sub>e</sub> ele amu, ig ahilagnu hanhan Kayak amegpa, “Ena heme,” aot a<sub>k</sub>unignab. Adinu? Kayak Nug nuhig Oudi Nug heeb, ag opia awak daaglag, ag nai genabnu oolagpa genab dooglag, diig adit amunu Kayak Nug dig makpanu ag edua diikunu tituana<sub>tom</sub>. <sup>14</sup> Kayak Nug Nai Enanu mehuqak ihinigpa, ag anam daaglagnu ag onilagpa eum <sup>15</sup> amunu o lainkad, ig odenigpate o iita ig yakpate nai ipuanadmut amu amupa ag gagat<sub>ag</sub> daana, pehet<sub>an</sub> adan dim lamiteg!

<sup>16</sup> Aria ihinig Nadi Jesus Kristus, Nugnab amu ig Mamenig Kayak, Nug ihinignu oo mauht<sub>e</sub>, Nug

nuhig ehanitak okai hamu megte ele, amupa Nug he, ig gagatag hanhan daagnignu dab mak aot, ig Nug ameg mekunignu, madod ele aomut amu, adit amu a heped,<sup>17</sup> ag madod daanna, ag oyak ahilag ohpa enaib oiglagnu gagatag aoglag.

### 3

*PAULUS TESALONIKA AG NUHIGNU  
UNUQIDKULAGNU AUM*

<sup>1</sup> O lainkad, ig nai laipu imuib ele iiku ag amelagpa atem. Ag ihinignu dab menana, ag Nadi Nug ig ehanikeb, nuhig nai atu oh tuala uket, danab ah ag wan atu amupa daateb amu, ag Tesonika danab ag nai amunu ena doopig bia ag nai amunu ena dooglagnu, ag ig udat elele hekunignu, ihinignu unuqiteg! <sup>2</sup> Danab kudum ag Jesusnu oolagpa genab ii doonna, ag udat ihinig hepeg nauhkunu heteb amunu ag Kayak, Nug ig danab nau amu ag epelagpanu uhuqigkunu ele unuqiteg! <sup>3</sup> Amge Kayak, Nug adi hekunu ate amu Nug aaku hete ele, Nug gagatag aqeb, Satan nug ag keeke ehedpa ii eedadma. <sup>4</sup> Am Nadi Nug ihinig dab mak mad ete, ig ahilagnu inam dab metem. Kobol oh ig ag hekulagnu amelagpa matimut amu ag henana daateb amu dimpa ele ag anam hekulag. <sup>5</sup> Nadi Nug ag oolagnu ulum adebeb, ag Kayaknu oo mauhak amu Jesusnu ug mawa oyaknu kobol ele doon autna aoglagnu oonig daate.

#### *DANAB OH AG UDAT HEKULAG*

<sup>6</sup> Da Nadi Jesus Kristus onigpa nai gagatag ag amelagpa inam atem. Ag lailkad laa bahilag iita, ag kobol ena, ig tatam ipuanadmut, ag amu ii dim

lamidṭeb amu, ag danab amu ele aib ou qepig. <sup>7</sup> Ag aka, haen ig ag ele daatta, ig udat heutut anikegeg, hamu ii daamut ana dooteb amu ag kobol amu dim lamidkulag am ena. <sup>8</sup> Ag ihiñignu oolag ug qemanu amu ig amun tuqan ele e aognignu udat gagatag hetata, ig danab laanu e hamu ii latamut. Iita. Ig daden meta lamut. <sup>9</sup> Ig anam hemutnu diig amu, ag ihiñigpa anidna oolag maiṭeb, ag ele bau daaglagnu udat hekulag. Ig totol danab amunu ig ag oolagpa daatta, ag epelagpa e aolom am eheđ iita amge ig anam ii hemut. <sup>10</sup> Haen ig ag ele daatta, ig do imu ag matamut. “Laa nug udat ii heku amu nug e ii lama,” aot amut.

<sup>11</sup> Ig nai imu yaat̄emnu diig amu ig gemu laala ag udat hak kobol uuna, hamu oina, ag aka kobol ena ii henana, ag laa dilagnu dab mak kabolikulagnu hetebnu nai daunigpa dootem amunu ig nai imu yaat̄em. <sup>12</sup> Amu Jesus Kristus onigpa ig nai gagatag, danab kobol ena ii heteb ele, ahilagnu at̄em. “Ag tododugna daanna, ag aka e awaknu udat henana, amupa ag e aon laig!” <sup>13</sup> Amge o lailad, ahilagnu amu ag udat ena hak kobolnu aib oolag bahi yeeb uupig.

<sup>14</sup> Am laipu laa nug nai ig uđug imupa yaa-mut imu dim ii lamiṭeb amu ag nug anidna, nug uidna, pide dayeg! Ag anam hepeg, geha nug nuhig kobol eheđ amunu uđa neku. <sup>15</sup> Amge nuhignu keked bia aib anidpig. Iita, ag nuhignu ag lailag doonna, dab mak enaib ele nug meteg!

### BAG QAK NAI

<sup>16</sup> Nadi Nug madod kobolnu diig, Nug nuķa ag hanhan, keeke ohpa, madod madakunu, Nadi Nug

ag oh ele daaglagnu oonig daaṭe. <sup>17</sup> Da Paulus, da humitak nai imu, da haen oh anamib yaat̄em ele amu, da epelpa iiku edue yaat̄em. Amuam da udug yaalad̄em amu ohpa, dahil eponak keeke, da anamib aaķu yaat̄em. <sup>18</sup> Nadi Jesus Kristusnu ehanitak okai Nug hamu megte amu, ag oh ahilagpa dayad!

**KAYAKNU NAI Tituanak Bau  
The New Testament in the Nobonob Language of  
Papua New Guinea  
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ed374bb9-d819-53d1-a85b-f86cce3892e1